

SIARAN SEGERA

PROGRAM KITAR3CYCLE, KITAR SEMULA ALAF BARU.

Rembau, 13 November 2019 – SWM Environment Sdn. Bhd (SWM Environment) menjalin kerjasama bersama-sama Pihak Berkuasa Tempatan (PBT) bagi pelaksanaan program KITAR3CYCLE. Majlis Daerah Rembau ialah salah satu PBT yang menyertai program KITAR3CYCLE dan melibatkan barisan pengurusan dan warga kerjanya.

“Program KITAR3CYCLE telah mendapat sokongan penuh daripada pihak pengurusan Majlis Daerah Rembau dan mengalu-alukan usahasama sebegini kerana ia memberikan impak positif dalam melestarikan alam sekitar serta mengelakkan pembaziran sumber ke tapak pelupusan sampah,” kata Pengurus Besar Korporat SWM Environment Sdn Bhd, Tuan Haji Mohd Norlisam Bin Haji Mohd Nordin.

Selain itu, melalui usahasama ini juga pihak PBT dapat menjadi contoh dan teladan yang baik kepada masyarakat dalam menggerakkan usaha amalan kitar semula yang bermula daripada peringkat pengurusan dan warga kerja pentadbiran sesebuah daerah di Negeri Sembilan.

Program ini telah dilaksanakan secara berperingkat-peringkat bermula April 2019 kepada seluruh PBT di Negeri Sembilan demi mendidik orang ramai menjadikan amalan kitar semula sebagai gaya hidup kini.

Pelbagai pendekatan diambil oleh syarikat pengurusan sisa pepejal di Malaysia dalam memastikan pengurangan janaan sampah ke tapak pelupusan sampah sekaligus dapat memanjangkan tempoh hayat tapak tersebut. Melalui pemberian mata ganjaran terkumpul, kini individu atau isi rumah dapat memperoleh manfaat aktiviti kitar semula dengan program KITAR3CYCLE anjuran SWM Environment.

Program yang julung kali diperkenalkan di kawasan perkhidmatan syarikat konsesi ini juga bertujuan menyelamatkan barangan yang boleh dikitar semula daripada terus dilupuskan ke tapak pelupusan sampah terbabit. Melalui program KITAR3CYCLE setiap individu yang berjaya mendaftarkan diri sebagai ahli akan dibekalkan pelekat kod bar yang bertujuan untuk mengenal pasti data individu yang menjalankan aktiviti kitar semula dan juga merekodkan nilai mata yang diperolehi.

Dalam konteks pembangunan tetapan aplikasi yang serba canggih ini, individu yang berdaftar disarankan untuk memuat turun aplikasi KITAR3CYCLE melalui sistem operasi Android juga iOS untuk menyemak mata ganjaran selain juga dapat mengetahui nilai mata yang diperolehi setiap kali barangan kitar semula dikutip di premis perumahan mereka sekaligus memberi pendedahan kepada isi rumah terbabit tentang jumlah janaan sampah yang dihasilkan oleh mereka hanya di hujung jari.

Ahli KITAR3cycle berdaftar hanya perlu melakukan pengasingan sisa pepejal kepada tiga kategori iaitu kertas, plastik dan lain-lain. Kemudian melekatkan pelekat kod bar yang telah diberikan oleh SWM Environment di bungkusan barangan kitar semula serta meletakkannya di lokasi yang telah ditetapkan.

Untuk makluman, terdapat 35 barang dengan nilai mata yang berbeza yang boleh dikumpul dan ditukarkan melalui pelbagai cara, antaranya melalui pemindahan wang ringgit ke akaun bank individu atau ke dalam aplikasi e-Dompot Boost. Hasilnya, melalui inisiatif ini ia dapat menggalakkan orang ramai lebih menghargai barangan kitar semula yang mampu menjana pendapatan sampingan sekaligus menjimatkan penggunaan sumber-sumber semula jadi dalam pembuatan sesuatu produk.

Bagi menyemarakkan lagi program KITAR3CYCLE, pihak SWM Environment mengalu-alukan penglibatan taman-taman perumahan lain, badan-badan kerajaan, swasta dan organisasi bukan kerajaan (NGO) untuk bersama-sama terlibat dalam program KITAR3CYCLE yang bermanfaat kepada semua. Bagi sebarang pertanyaan, boleh menghubungi Encik Daniel Sahrill Bin Abdul Hadi, Eksekutif Kanan Jabatan Komunikasi Korporat SWM Environment di talian 019-202 4525 atau emel: daniel.sahrill@swmsb.com.

-TAMAT-

FAKTA
SWM ENVIRONMENT SDN BHD

SWM Environment Sdn Bhd. (SWM Environment) adalah syarikat konsesi yang bertanggungjawab untuk mengendalikan Pengurusan Sisa Pepejal dan Pembersihan Awam di wilayah selatan. Semenanjung Malaysia (Negeri Sembilan, Melaka dan Johor). SWM Environment menyediakan perkhidmatan kepada 1.5 juta premis kediaman dan komersial dengan tenaga kerja seramai 12,000 orang dan mempunyai kenderaan serta jentera melebihi 1,000 buah pelbagai jenis kegunaan. Sila layari laman sesawang www.swm-environment.com untuk mendapatkan maklumat lebih lanjut berkenaan perkhidmatan syarikat SWM Environment.

Untuk keterangan lanjut, sila hubungi :

Pn. Nurul Liza Mohd Najib

Penolong Pengurus, Jabatan Komunikasi Korporat,

SWM Environment Sdn. Bhd. (Negeri Sembilan)

(Tel) 06 – 601 4276/78/80, 012- 684 7168

(Faks) 06 – 601 4279